


廣氏訂正國語

				五	漢
				二	書
				四	門
六	九	八	〇		
冊	函	號	類		

庫文閣内			
八		五	漢
函		二	書
一		一	門
架	冊	號	類

内閣文庫	
番號	漢 5119
冊數	6 ( 2 )
函號	286 112



國語第二

淺草文庫

錢塘盧之願  
子由甫訂正

魯

長勺簡之役曹劌問所以戰於嚴公公曰余不愛衣食何於民法不愛牲玉於神對曰夫惠本而後民歸之志民  
 歸而後神降之福若布德於民而平均其政事君子  
 務治而小人務力動不違時器不過用財用不匱莫  
 不共祀是以用民無不聽求福無不豐今將惠以小  
 賜祀以獨恭小賜不咸獨恭不優不咸民弗歸也不

孫鑿云稍堆

國語

魯二

又云妙語

優神弗福也將何以戰夫民求不匱於財而神求優裕於享者也故不可以不本公曰余聽獄雖不能察必以情斷之對曰是則可矣夫苟中心圖民知雖不及必將至焉

嚴本作莊避漢明帝諱以莊為嚴先儒因而不改後嚴伯魯嚴並同嚴公十年齊師伐魯戰於長勺惠本謂樹德施利也咸徧也優裕也劇九衛切治去聲共平聲斷去聲知去聲

今論諫常與  
諷而少直故  
僖伯之于觀  
魚哀伯之于  
納出曹劌之

嚴公如齊觀社曹劌諫曰不可夫禮所以正民也是故先王制諸侯使五年四王一相朝也終則講於會以正班爵之義帥長幼之序訓上下之則制財用之

於觀社宜其  
不能迓三公  
之惑也  
孫鑊云社非  
蒐蓋民間社  
會祀神而燕  
因多為穀採  
優俳之觀相  
角奇而競奢  
今都鄉時有  
之

節其間無由荒怠夫齊棄太公之法而觀民於社君為是舉而往觀之非故業也何以訓民土發而社助時也收牆而烝內要也今齊社而往觀旅非先王之訓也天子祀上帝諸侯會之受命焉諸侯祀先王先公卿大夫佐之受事焉臣不聞諸侯之相會祀也祀又不法君舉必書書而不法後嗣何觀公不聽遂如齊

齊因祀社蒐軍實以示客公往觀之王謂王事天子也歲聘以志業閒朝以講禮五年之閒四聘於王而一相朝者將朝天子先相朝也終畢也其閒朝會之閒土發春分也周語曰土乃脉發社者助

時求福為農始也。擗拾也。冬祭曰烝。因祭社以納五穀之要。休農夫也。旅眾也。不法謂觀民也。朝平聲。帥音率。長上聲。間音奸。大公之大音泰。為去聲。擗九敏切。內音納。

嚴公丹桓宮之楹而刻其桷。匠師慶言於公曰。臣聞聖王公之先封者。遺後之人。法使無陷於惡。其為後世昭前之令聞也。使長監於世。故能攝固不解。以久今先君儉而君侈之。令德替矣。公曰。吾屬欲美之。對曰。無益於君而替前之令德。臣故曰。庶可以已乎。公弗聽。

桓宮桓公廟也。楹柱也。桷椽頭也。嚴公娶於齊。曰哀姜。哀姜將至。當見於廟。故以夸之。監觀也。觀世

成敗以為戒也。攝持也。屬適也。桷古岳切。遺去聲。令聞之聞去聲。監古懺切。又古衙切。解去聲。

哀姜至。公使大夫宗婦覲。用幣。宗人夏父展曰。非故也。公曰。君作故。對曰。君作而順。則故之逆。則亦書其逆也。臣從有司。懼逆之書於後也。故不敢不告。夫婦贄。不過棗。棗以告。虔也。男則玉帛。禽鳥以章物也。今婦執幣。是男女無別也。男女之別。國之大節也。不可無也。公弗聽。

故故事也。棗古栗字。別入聲。

魯饑臧文仲言於嚴公曰夫為四隣之援結諸侯之  
 信重之以婚姻申之以盟誓固國之艱急是為鑄名  
 器藏寶財固民之殄病是待今國病矣君盍以名器  
 請糴於齊公曰誰使對曰國有饑饉卿出告糴古之  
 制也辰也備卿辰請如齊公使往從者曰君不命吾  
 子吾子請之其為選事乎文仲曰賢者急病而讓夷  
 居官者當事不避難在位者恤民之患是以國家無  
 違今我不如齊非急病也在上不恤下居官而惰非  
 事君也文仲以鬯圭與玉磬如齊告糴曰夫災流行

又云章法  
 又云章法

大懼至養屋  
 獨句

戾於敝邑饑饉薦降民羸幾卒大懼殄周公太公之  
 命祀職貢業事之不共而獲戾不腆先君之敝器敢  
 告滯積以紓執事以救敝邑使能共職豈唯寡君與  
 二三臣實受君賜其周公大公及百辟神祇實永饗  
 而賴之齊人歸其玉而予之糴

選事自選擇其職事也夷平也鬯圭裸鬯之圭卒  
 盡也滯久也紓緩也穀久積則將朽敗執事所憂  
 也請之所以緩執事  
 援於春切又於元切從去聲難去聲幾上聲卒子  
 戍切大音泰共音供積子義切碎音必予音與

齊孝公來伐臧文仲欲以辭告病焉問於展禽對曰

獲聞之處大教小處小事大所以禦亂也不聞以辭  
 若為小而崇以怒大國使加已亂亂在前矣辭其何  
 益文仲曰國急矣百物唯其可者將無不趨也願以  
 子之辭行賂焉其可乎展禽使乙喜以膏沐犒師曰  
 寡君不佞不能事疆場之司使君盛怒以暴露於敵  
 邑之野敢犒與師齊侯見使者曰魯國恐乎對曰小  
 人恐矣君子則不公曰室如縣磬野無青草何恃而  
 不恐對曰恃二先君之所職業昔者成王命我先君  
 周文公及齊先君大公曰女股肱周室以夾輔先王

孫鑄云辭命  
 陶望齡云膏  
 沐是今肥皂  
 香油土宜之  
 最輕者

孫鑄云辭命

賜女土地質之以犧牲世世子孫無相害也今君來  
 討敝邑之臯其亦使聽從而釋之必不泯其社稷豈  
 其貪壤地而棄先王之命其何以鎮撫諸侯恃此以  
 不恐齊侯乃許為平而還

欲以辭告欲以文辭告謝齊也病焉病不能為辭  
 也展禽柳下惠也展無駭之後字季禽獲其名也  
 崇高也謂自高大也膏所以澤髮沐滌首去垢者  
 以膏沐為禮明不以賂免與眾也  
 處上聲場音亦暴入聲使去聲則不之不上聲縣  
 音縣磬或作磬女音汝質去聲還音旋又如字

溫之會晉人執衛成公歸之於周使醫鳩之不死醫  
 亦不誅臧文仲言於僖公曰夫衛君殆無臯矣刑五

王懷中日諸  
侯之患諸侯  
恤之長者之  
言自不妨於  
智辭賂更可  
人

而已無有隱者隱乃諱也大刑用甲兵其次用斧鉞  
中刑用刀鋸其次用鑽笮薄刑用鞭扑以威民也故  
大者陳之原野小者致之市朝五刑三次是無隱也  
今晉人鳩衛侯不死亦不討其使者諱而惡殺之也  
有諸侯之請必免之臣聞之班相恤也故能有親夫  
諸侯之患諸侯恤之所以訓民也君盍請衛君以示  
親於諸侯且以動晉夫晉新得諸侯使亦曰魯不棄  
其親其亦不可以惡公說行玉二十穀乃免衛侯自  
是晉聘於魯加於諸侯一等爵同則厚其好貨衛侯

聞其臧文仲之為也使納賂焉辭曰外臣之言不越  
境不敢及君

衛成公恃楚而不事晉又殺弟叔武其臣元咺訴  
之晉故文公執之鳩焉一名運日其羽有毒漬之  
酒而飲之立死鑽臙刑笮黥刑也班次也言位次  
同者當相恤也雙玉曰穀爵同則厚其好貨爵與  
魯同者特厚其好貨而已  
笮側格切朝音潮使者之使去聲惡殺之惡去聲  
說音悅穀音各卽珽字好去聲

晉文公解曹地以分諸侯僖公使臧文仲往宿於重  
館重館人告曰晉始伯而欲固諸侯故解有臯之地  
以分諸侯諸侯莫不望分而欲親晉皆將爭先晉不

國言  
以故班亦必親先者吾子不可以不速行魯之班長而又先諸侯其誰望之若少安恐無及也從之獲地於諸侯爲多反旣復命爲之請曰地之多也重館人之力也臣聞之曰善有章雖賤賞也惡有釁雖貴罰也今一言而辟境其章大矣請賞之乃出而爵之

晉文公誅無禮曹人不服伐而執其君削其地以分諸侯  
重平聲長上聲辟音闕

海鳥曰爰居止於魯東門之外二日臧文仲使國人祭之展禽曰越哉臧孫之爲政也夫祀國之大節也

而節政之所成也故慎制祀以爲國典今無故而加典非政之宜也夫聖王之制祀也法施於民則祀之以死勤事則祀之以勞定國則祀之能禦大災則祀之能扞大患則祀之非是族也不在祀典昔烈山氏之有天下也其子曰柱能殖百穀百蔬夏之興也周棄繼之故祀以爲稷共工氏之伯九有也其子曰后土能平九土故祀以爲社黃帝能成命百物以明民共財顓頊能修之帝嚳能序三辰以固民堯能單均刑法以儀民舜勤民事而野死鯀鄣洪水而殛死禹



能以德修鯀之功，契為司徒而民輯，冥勤其官而水死，湯以寬治民而除其邪，稷勤百穀而山死，文王以文昭，武王去民之穢，故有虞氏禘黃帝而祖顓頊，郊鯀而宗禹，商人禘舜而祖契，郊冥而宗湯，周人禘嚳而郊稷，祖文王而宗武王，慕能帥顓頊者也有虞氏報焉，杼能帥禹者也，夏后氏報焉，上甲微能帥契者也，商人報焉，高圉大王能帥稷者也，周人報焉，凡禘郊宗祖報此五者，國之典祀也，加之以社稷山川之神，皆有功烈

於民者也，及前哲令德之人，所以為明質也，及天之三辰，民所以瞻仰也，及地之五行，所以生殖也，及九州名山川澤，所以出財用也，非是諱不在祀典，今海鳥至，已不知而祀之，以為國典，難以為仁，且知矣，夫仁者講功而知者處物，無功而祀之，非仁也，不知而不問，非知也，今茲處海其有災乎，夫廣川之鳥獸恒知而避其災也，是歲也，海多大風，冬煖，文仲聞柳下季之言，曰：信吾過也，季子之言不可不法也，使書以為三

筴○字

越迺也族類也烈山氏炎帝之號也共工氏伯在戲農之間其子句龍佐黃帝為土官畢盡也冥契後為夏水官死於水幕舜之後虞思也為夏諸侯帥循也顓頊有虞氏之祖也報報德之祭也杼少康之子能興夏道者上甲微契後八世高圉穆後十世典法也質信也以其有德於民而祭之所以信之於民心也處名也筭簡書也共工共財之共俱音供單都韓切輯音集帥音率且知而知之知俱音智煥音煥策冊同史漢多用筭字

文公欲弛孟文子之宅使謂之曰吾欲利子於外之寬者對曰夫位政之建也署位之表也車服表之章也宅章之次也祿次之食也君議五者以建政為不易之故也今有司來命易臣之署與其車服而曰將

商書云文子曰不易敬子曰有數對君之辭和而

易而次為寬利也夫署所以朝夕虔君命也臣立先臣之署服其車服為利故而易其次是辱君命也不敢聞命若臯也則請納祿與車服而違署唯里人之所命次公弗取臧文仲聞之曰孟孫善守矣其可以蓋穆伯而守其後於魯乎公欲弛邱敬子之宅亦如之對曰先臣惠伯以命於司里嘗禘烝享之所致君胙者有數矣出入受事之幣以致君命者亦有數矣今命臣更次於外為有司之以班命事也無乃違乎請從司徒以班徙次公亦弗取

詩 孫鑛云此國語中最可厭文法也然於此却不厭可見工拙在所可又云善論法語 孫鑛云善守同所對大旨亦不甚遠唯章句法變換便覺意態層層是化工手又云妙論 國語

弛毀也位謂爵也署者位之表識次舍也違署之違去也里人里宰有罪去位則當受舍於里宰穆伯公孫敖淫乎莒出奔而死於齊亦如之謂語如孟文子也以命於司里受命於司里居此宅也違乎之違遠也言有司以位次命職事於臣臣在外次無乃違遠而不便乎

邱狼口切又胡茂切更平聲

夏父弗忌為宗烝將躋僖公宗有司曰非昭穆也曰我為宗伯明者為昭其次為穆何常之有有司曰夫宗廟之有昭穆也以次世之長幼而等胄之親疏也夫祀昭孝也各致齊敬於其皇祖昭孝之至也故工史書世宗祝書昭穆猶恐其踰也今將先明而後祖

孫贖三章法

又云連用四不祥字

自女王以及主癸莫若湯自稷以及王季莫若文武商周之烝也未嘗躋湯與文武為踰也魯未若商周而改其常無乃不可乎弗聽遂躋之展禽曰夏父弗忌必有殃夫宗有司之言順矣僖又未有明焉犯順不祥以逆訓民亦不祥易神之班亦不祥不明而躋之亦不祥犯鬼道二犯人道二能無殃乎侍者曰若有殃焉在抑刑戮也其天札也曰未可知也若血氣強固將壽寵得沒雖壽而沒不為無殃既其葬也焚煙徹於上

宗宗伯躋升也僖公閔公之庶兄繼閔而立躋僖公逆祀也父為昭子為穆僖為閔臣臣子一例而升閔上故曰非昭穆也明言僖有明德當為昭閔次之當為穆也主癸湯父焚煙徹於上已葬而火焚其棺也  
父音甫長上聲齊音齋焉音煙

莒大子僕殺紀公以其寶來奔宣公使僕人以書命季文子曰夫莒大子不憚以吾故殺其君而以寶來其愛我甚矣為我子之邑今日必授無逆命矣里革遇之而更其書曰夫莒大子殺其君而竊其寶來不識窮固又求自邇為我流之於夷今日必通無逆命矣明日有司復命公詰之僕人以里革對公執之曰

孫鑿云哨語

違君命者女亦聞之乎對曰臣以死奮筆奚啻其聞之也臣聞之曰毀則者為賊掩賊者為滅竊寶者為軌用軌之財者為姦使君為滅姦者不可不去也臣違君命者亦不可不殺也公曰寡人實貪非子之臯也乃舍之

莒紀公生僕及季佗既立僕又愛季佗而黜僕僕殺紀公固廢也邇近也亂在內曰軌謂以子盜父大音大殺音弑子音與更平聲為我之為音謂女音汝滅才郎切通作藏去羌呂切舍音捨又音赦

宣公夏濫於泗淵里革斷其罟而棄之曰古者大寒降土蟄發水虞於是乎講罟罾取名魚登川禽而嘗

孫鑿云字句絕工第短於纖巧之致又云典故

魯語

之寢廟行諸國人助宣氣也鳥獸孕水蟲成獸虞於  
是乎禁置羅藉魚鼈以為夏槁助生阜也鳥獸成水  
蟲孕水虞於是乎禁置麗設狝鄂以實廟庖畜功用  
也且夫山不槎蘖澤不伐天魚禁鯤鮪獸長麇麀鳥  
翼穀卵蟲舍蚍蜉蕃庶物也古之訓也今魚方別孕  
不教魚長○妙○語○又行網罟貪無藝也公聞之曰吾過而里  
革匡我不亦善乎是良罟也為我得法使有司藏之  
使吾無忘諗師存侍曰藏罟不如寘里革於側之不  
忘也

濫漬也漬罟於泗水之淵以取魚也川禽鼈蜃之  
屬宜免罟羅鳥罟也藉藉也槁乾也夏不得取故  
於此時槎刺魚鼈以為夏儲也置麗小網也鄂作  
格所以誤獸者畜功用者畜四時功足國財用也  
槎斫也以株生曰蘖鯉魚子也鮪未成魚也鹿子  
曰麇麀子曰麀生哺曰穀蚍蜉子也可以為臨蚍  
復陶也可食別孕別於雄而懷子也藝極也諗告  
也  
嵐音孤罟力九切寢古寢字置音嗟藉側角切或  
作獨又作藉置麗之置當為罟之庚切麗音鹿畜  
許救切又丑救切又勅六切槎仕雅切蘖五達切  
天上聲鮪音而麇音倪麀鳥誥切穀丘候切卵盧  
管切舍上聲蚍陳知切蜉於權切藝即藝字諗式  
荏切寘支義切置也

子叔聲伯如晉謝季文子郤犢欲與之邑弗受也歸  
鮑國謂之曰子何辭苦成叔之邑欲信讓邪抑知其

國語

魯二

七

不可乎。對曰：吾聞之不厚其棟，不能任重。重莫如國，棟莫如德。夫苦成叔家，欲任兩國而無大德，其不存也。亡無日矣。譬之如疾，余恐易焉。苦成氏有三亡：少德而多寵，位下而欲上政，無大功而欲大祿，皆怨府也。其君驕而多私，勝敵而歸，必立新家，立新家不因民，不能去舊，因民非多怨，民無所始，為怨三府，可謂多矣。其身之不能定，焉能予人邑。鮑國曰：我信不若子。若鮑氏有釁，吾不圖矣。今子圖遠以讓邑，必常立矣。

魯叔孫僑如欲去季氏，諸季文子於晉，晉人執之，卻犢之妻聲伯之外妹也。故魯成公使聲伯如晉，謝且請之。鮑國、鮑叔牙之玄孫去齊適魯，為施孝叔臣，兩國謂晉與魯也。釁，兆也。言鮑氏若有禍兆，吾不能豫圖之。

魯叔孫僑如欲去季氏，諸季文子於晉，晉人執之，卻犢之妻聲伯之外妹也。故魯成公使聲伯如晉，謝且請之。鮑國、鮑叔牙之玄孫去齊適魯，為施孝叔臣，兩國謂晉與魯也。釁，兆也。言鮑氏若有禍兆，吾不能豫圖之。

晉人殺厲公，邊人以告。成公在朝，公曰：臣殺其君，誰之過也？大夫莫對。里革曰：君之過也。夫君人者，其威大矣，失威而至於殺，其過多矣。且夫君也者，將牧民而正其邪者也。若君縱私回而棄民事，民旁有慝，無由省之，益邪多矣。若以邪臨民，陷而不振，用善不肯，專則不能使，至於殄滅而莫之恤也，將安用之？桀奔

陶望嵩云如  
此問千古絕  
少里革對言  
非不切切正  
好作注脚耳

南巢紂踣於京厲汜於彘幽滅於戲皆是術也夫君也者民之川澤也行而從之美惡皆君之由民何能為焉

殺音弑朝音潮踣蒲北切汜古流字戲平聲

季文子相宣成無衣帛之妾無食粟之馬仲孫它諫曰子為魯上卿相二君矣妾不衣帛馬不食粟人其以子為愛且不華國乎文子曰吾亦願之然吾觀國人之父兄食麤衣惡而我美妾與馬無乃非相人者乎

陶望齡云節溫而旨厲宛然對談真境語不文而自

且吾聞以德榮為國華不聞以妾與馬文子以告孟獻子獻子囚之七日自是子服之妾衣不過七升之布馬餼不過稂莠文子聞之曰過而能改者民之上也使為上大夫

仲孫它孟獻子之子子服它也八十縷為升相去聲它音佗食去聲衣去聲

叔孫穆子聘於晉晉悼公饗之樂及鹿鳴之三而後拜樂三晉侯使行人問焉曰子以君命鎮撫敝邑不腆先君之禮以辱從者不腆之樂以節之吾子舍其大而加禮於其細敢問何禮也對曰寡君使豹來繼

陶望齡曰內傳詳敘讀至後乃減色味此只一句簡練殊勝

穆文熙曰主  
人以過禮加  
人未必不知  
可以嘗試但  
未知其領略  
何如耳魯國  
盡禮所以晉  
雖強大而不  
敢動

先君之好，君以諸侯之故，況使臣以大禮，夫先樂金  
奏肆夏，繁遏渠，天子所以饗元侯也。夫歌文王大明  
縣，則兩君相見之樂也。皆昭令德以合好也。皆非使  
臣之所敢聞也。臣以為肄業及之，故不敢拜。今伶簫  
咏歌及鹿鳴之三，君之所以況使臣，臣敢不拜。況夫  
鹿鳴，君之所以嘉先君之好也。敢不拜。嘉四牡，君之  
所以章使臣之勤也。敢不拜。章皇皇者華，君教使臣  
曰：每懷靡及，諏謀度詢，必咨於周。敢不拜。教臣聞之  
曰：懷和為每懷，咨才為諏，咨事為謀，咨義為度，咨親

為詢，忠信為周，君況使臣以大禮，重之以六德，敢不  
重拜。

晉悼公先為穆子作肆夏，文王各三篇而不拜。至  
作鹿鳴之三篇而後拜樂。二大謂肆夏，文王細謂  
鹿鳴也。況，賜也。金奏以鐘奏樂也。肆夏一名樊韶  
夏，一名遏，納夏一名渠，此三夏曲也。禮有九夏，周  
禮鐘師掌以鐘鼓奏九夏，鄭後司農云：九夏皆篇  
名，頌之類也。載在樂章，樂崩亦從而亡。是以頌不  
能具，文王大明縣，文王之三也。伶簫咏歌，言樂人  
以簫作此三篇之聲與歌者相應也。每懷靡及，言  
臣奉使既受命，當思在公，每人人懷其私於事，將  
無及矣。訪問於善為咨，懷和之和，鄭後司農云：當  
作私也。才當為事，傳曰：咨事為諏，事當為難，傳曰  
咨難為謀。  
從去聲，舍音捨，使去聲，夏戶雅切，好去聲，諏子余  
切，又將候切，度入聲，重去聲。



穆文熙曰以齊桓之表東海而猶寄軍於內政蓋兵人之所畏也大則取忌小則取伐三軍作而魯其日衰矣

季武子為三軍叔孫穆子曰不可天子作師公帥之以征不德元侯作師卿帥之以承天子諸侯有卿無軍帥教衛以贊元侯自伯子男有大夫無卿帥賦以從諸侯是以上能征下下無姦慝今我小侯也處大國之間繕貢賦以共從者猶懼有討若為元侯之所以怒大國無乃不可乎弗從遂作中軍自是齊楚代討於魯襄昭皆如楚

魯伯禽之封舊有三軍其後削弱二軍而已武子欲專公室故益中軍以為三三家各征其一教衛所教武衛之十也賦國中出兵車甲士也為元侯之所謂作三軍元侯所為也代更也

帥音率處上聲共音供從者之從去聲

諸侯伐秦及涇莫濟晉叔嚮見叔孫穆子曰諸侯謂秦不恭而討之及涇而止於秦何益穆子曰豹之業及匏有苦葉矣不知其它叔嚮還召舟虞與司馬曰夫苦匏不材於人共濟而已魯叔孫賦匏有苦葉必將涉矣具舟除隧不共有法是行也魯人以莒人先濟諸侯從之

業事也邶風匏有苦葉濟有深涉深則厲淺則揭言其必濟不知其他也舟虞掌舟者材讀若裁不裁於人言不可食也共濟而已佩匏可以度水也隧道也以用也能東西之曰以

嚮向同或作向共音供

孫鑛云略談

汪道昆云為名與眾此來之情也故善為謀者不肯自肯凡以為國  
孫鑛云詳論

襄公如楚及漢聞康王卒欲還叔仲昭伯曰君之來也非為一人也為其名與其眾也今王死其名未改其眾未敗何為還諸大夫皆欲還子服惠伯曰不知所為姑從君乎叔仲曰子之來也非欲安身也為國家之利也故不憚勤遠而聽於楚非義楚也畏其名與眾也夫義人者固慶其喜而弔其憂况畏而服焉聞畏而往聞喪而還苟芊姓實嗣其誰代之任喪王大子又長矣執政未改子為先君來死而去之其誰

孫鑛曰五其說字正在有音無意之間  
陶望齡曰緯難能破厨曲可細求  
孫鑛云此待之似亦謂楚人言必亟來也  
陶望齡云此非齊夷之禮然齊非其國也  
孫鑛云章法

曰不如先君將為喪舉聞喪而還其誰曰非侮也事其君而任其政其誰由已貳求說其侮而亟於前之人其讐不滋大乎說侮不懦執政不貳帥大讐以憚小國其誰云待之若從君而走患則不如違君以避難且夫君子計成而後行二三子計乎有禦楚之術而有守國之備乎則可也若未有不如往也乃遂行反及方城聞季武子襲下公欲還出楚師以伐魯榮成伯曰不可君之於臣其威大矣不能令於國而恃諸侯諸侯其誰暱之若得楚師以伐魯魯既不違風

陶望齡云此非馭臣之道然襄非其君也

之取卞也必用命焉守必固矣若楚之克魯諸姬不獲闕焉而況君乎彼無亦置其同類以服東夷而大攘諸夏將天下是王而何德於君其子君也若不克魯君以蠻夷伐之而又求入焉必不後矣不如予之夙之事君也不敢不悛醉而怒醒而喜庸何傷君其入也乃歸

芊楚姓也任當也誰當代之當喪為主者乎言必自當之故不可不往弔也將為喪舉言如在國聞楚有喪將為之舉動而往也其誰由已貳言楚臣方事其君而當其政其誰肯從已時而使諸侯有騰貳者乎說猶除也言楚君求除其輕侮已者將急於前之人也懦弱也憚難也待猶樂也下魯邑

武子襲之以自予夙武子各夙取卞時魯人不違是為聽用其命必同心而守固矣公欲伐魯若人醉而怒今止若醒而喜也何傷乎為音謂芊音彈大子之大音太說古脫通用儒人朱切或作悞帥音率難去聲闕與窺同

襄公在楚季武子取卞使季冶逆追而予之璽書以告曰卞人將畔臣討之既得之矣公未言榮成子曰子股肱魯國社稷之事子實制之唯子所利何必卞卞有臯而子征之子之隸也又何謁焉子冶歸致祿而不出曰使子欺君謂子能也能而欺其君敢享其祿而立其朝乎

穆文熙曰張仲子足封韓其卽此意蓋嘗其時不得不然耳

孫贛云不若  
內傳之精

又云有致

逆迎也古者大夫之印亦稱璽  
子音與告入聲朝音潮

號之會楚公子圍二人執戈先焉蔡公孫歸生與鄭  
罕虎見叔孫穆子曰楚公子甚美不大夫矣抑  
君也鄭子皮曰有執戈之前吾惑之蔡子家曰楚大  
國也公子圍其令尹也有執戈之前不亦可乎穆子  
曰不然天子有虎賁習武訓也諸侯有旅賁禦災害  
也大夫有貳車備承事也士有陪乘告奔走也今大  
夫而設諸侯之服有其心矣若無其心而敢設服以  
見諸侯之大夫乎將不入矣夫服心之文也如龜焉  
灼其中必文於外若楚公子不為君必死不合諸侯  
矣公子圍反殺邾敖而代之

先謂在前導也虎賁掌先後王而趨舍則守王閑  
在國則守宮門所以習武教也旅賁掌執戈盾夾  
車而趨車止則持輪所以備非常也邾敖楚康王  
之子麋麋有疾圍縊而殺之葬之於邾謂之邾敖  
先去聲賁平聲乘去聲殺音弑邾古洽切

號之會諸侯之大夫尋盟未退季武子伐莒取郟莒  
人告於會楚人將以叔孫穆子為戮晉樂王鮒求貨  
於穆子曰吾為子請於楚穆子不予梁其涇謂穆子  
曰有貨以衛身也出貨而可以免子何愛焉穆子曰

非女所知也。承君命以會大事，而國有臯，我以貨私免。是我會吾私也。苟如是則又可以出貨而成私欲乎。雖可以免吾其若諸侯之事何。夫必將或循之曰：諸侯之卿有然者故也。則我求安身而為諸侯法矣。君子是以患作作而不衷，將或導之，是昭其不衷也。余非愛貨惡不衷也，且臯非我之由，為戮何害。楚人乃赦之，穆子歸，武子勞之，日中不出，其人曰：可以出矣。穆子曰：吾不難為戮，養吾棟也。夫棟折而榱崩，吾懼壓焉。故曰：雖死於外而庇宗於內可也。今既免大恥而不忍小忿，可以為能乎。乃出見之。

循效也。患作患所作不得中以亂事也。武子正卿也是為國棟言已為戮魯誅盡矣。故曰養吾棟也。鄆禹慍切。鮒音附。吾為之為音謂。子音與。蹙形定切。女音汝。惡去聲。勞去聲。難乃且切。

平丘之會，晉昭公使叔嚮辭，昭公弗與盟。子服惠伯曰：晉信蠻夷而棄兄弟，其執政貳也。貳必失諸侯，豈唯魯然。夫失其政者必毒於人，魯懼及焉，不可以不恭。必使上卿從之，季平子曰：然則意如乎。若我往，晉必患我，誰為之貳。子服惠伯曰：椒既言之矣，敢逃難乎。椒請從，晉人執平子，子服惠伯見韓宣子曰：夫盟

孫鑛云章法

又云步驟妙  
蓋自鍊中來

陶望齡云動  
入

又云得夷失  
信說得痛切

柳宗元云近  
世京兆杜濟  
穿井獲土缶  
中有狗焉投  
之於河化為  
所

國言

三十一

信之要也。晉為盟主，是主信也。若盟而棄魯侯信，抑  
 闕矣。昔欒氏之亂，齊人閒晉之禍，伐取朝歌，我先君  
 襄公不敢寧處，使叔孫豹悉帥弊賦，跣跂畢行，無有  
 處人以從軍吏次於雒，俞與邾、郟、勝擊齊之左，倚止  
 晏萊焉。齊師退而後敢還，非以求遠也。以魯之密邇  
 於齊，而又小國也，齊朝駕則夕，極於魯國，不敢憚其  
 患而與晉共其憂，亦曰庶幾有益於魯國乎。今信蠻  
 夷而棄之，夫諸侯之勉於君者，將安勸矣。若棄魯而  
 苟固諸侯，羣臣敢憚戮乎。諸侯之事晉者，魯為勉矣。

若以蠻夷之故棄之，其無乃得蠻夷而失諸侯之信  
 乎。子計其利者，小國共命。宣子說，乃歸平子。

要猶結也。欒氏之亂，欒盈也。開候也。跣跂，蹠蹠也。  
 從後曰倚，止獲也。非以求遠，非以求遠功也。  
 難去聲。從去聲。聞音聞。帥音率。跣止知切。跂丘氏  
 切。雖去聲。持九倚切。共命之共音供。說音悅。

季桓子穿井，獲如土缶，其中有羊焉。使聞之仲尼，曰  
 吾穿井而獲狗，何也。對曰：以丘之所聞，羊也。丘聞之  
 木石之怪曰夔，蜩蝻水之怪曰龍，罔象土之怪曰墳

羊

夔一足。越人謂之山繅，或作操。富陽有之人面猴  
 身，能言。蜩蝻，山精。好牧人聲而迷惑人者。罔象，食

國語

魯二

三十一

人一名沐腫墳羊雌雄不成者  
在府九切蝸亡丈切蝸良獎切墳或作墳古字一  
本作墳

季康子問於公父文伯之母曰主亦有以語肥也對  
曰吾能老而已何以語子康子曰雖然肥願有聞於  
主對曰吾聞之先姑曰君子能勞後世有繼子夏聞  
之曰善哉商聞之曰古之嫁者不及舅姑謂之不幸  
夫婦學於舅姑者也

大夫稱正妻亦如  
語去聲夫音扶

公父文伯飲南宮敬叔酒以露睹父為客羞鼈焉小

辭云謹

睹父怒相延食鼈辭曰將使鼈長而後食之遂出文  
伯之母聞之怒曰吾聞之先子曰祭養尸饗養上賓  
鼈於何有而使夫人怒也遂逐之五日魯大夫辭而  
復之

客上客也禮飲尊一人以為客羞進也於何有猶  
何礼有鼈也辭請也  
飲去聲睹丁古切本或作睹長上聲夫人之夫音  
扶

公父文伯之母如季氏康子在其朝與之言弗應從  
之及寢門弗應而入康子辭於朝而入見曰肥也不  
得開命無乃辜乎曰子弗聞乎天子及諸侯合民事

於外朝合神事於內朝自卿以下合官職於外朝合家事於內朝寢門之內婦人治其業焉上下同之夫外朝子將業君之官職焉內朝子將庀季氏之政焉皆非吾所敢言也

庀治也

朝音潮見音現庀匹婢切

漢食貨志  
民既入婦人  
相從夜繡女  
三一月得四  
十五日注云  
每日又得半  
夜為四十五  
日也並農之

公父文伯退朝朝其母其母方績文伯日以歌之家而主猶績懼干季孫之怒也其以歌為不能事主乎其母歎曰魯其亡乎使僮子備官而未之聞邪居吾語女昔聖王之處民也擇瘠土而處之勞其民而用

宵爾索絢士  
之短繁夜誦  
但美事佳境

之故長王天下夫民勞則思思則善心生逸則淫淫則忘善忘善則惡心生沃土之民不材淫也瘠土之民莫不嚮義勞也是故天子大采朝日與三公九卿祖識地德日中考政與百官之政事師尹惟旅牧相宣序民事少采夕月與大史司載糾虔天刑日入監九御使潔奉禘郊之粢盛而後即安諸侯朝修天子之業命晝考其國職夕省其典刑夜儆百工使無惰淫而後即安卿大夫朝考其職晝講其庶政夕序其業夜庀其家事而後即安士朝而受業晝而講貫夕



孫鑣云忍出  
元憾二字大  
妙

而習復夜而計過無憾而後即安自庶人以下明而  
動晦而休無日以怠王后親織玄統公侯之夫人加  
之以紘緹卿之內子為大帶命婦成祭服烈士之妻  
加之以朝服自庶士以下皆衣其夫社而賦事烝而  
獻功男女效績愆則有辟古之制也君子勞心小人  
勞力先王之訓也自上以下誰敢淫心舍力今我寡  
也爾又在下位朝夕處事猶恐忘先人之業況有怠  
情其何以避辟吾冀而朝夕修我曰必無廢先人爾  
今日胡不自安以是承君之官余懼穆伯之絕祀也

情

仲尼聞之曰弟子志之季氏之婦不淫矣

禮天子以春分朝日示有尊也大采衮職也祖習也識知也地德所以廣生師尹大夫官也掌以美詔王惟陳也旅衆士也牧州牧也相國相也皆百官政事之所及也夕月以秋分少采黼衣也載天文也司天文謂馮相氏保章氏與太史相儷偶也監視也九御九嬪之官即就也業事也令命也貫習也統冠之垂前後者韋云所以縣瑱當耳者紘纓之無纓者也從下而上不結緹冕上之覆也卿之適妻曰內子大帶緇帶也社春分祭冬祭曰烝績功也

朝音潮歌音觸語去聲女音汝處上聲長王之王去聲少去聲大史之大音太監平聲盛平聲統多感切紘音宏緹音延衣去聲舍音捨情今本多作情辟入聲

公父文伯之母季康子之從祖叔母也康子往焉闔

孫鑣云亦有章法

國語

魯二

三四

門與之言皆不踰闕祭悼子康子與焉酢不受徹俎  
不宴宗不具不繹繹不盡飲則退仲尼聞之以爲別  
於男女之禮矣

闕闕也門寢門也悼子穆伯之父敬姜先舅與與  
祭也禮祭主人獻賓賓酢主人不受敬姜不親受  
也祭畢徹俎又不與康子宴飲宗宗臣主祭祀之  
禮繹又祭也謂宗臣不具在則敬姜不與繹也立  
曰飲坐曰要繹畢而飲不盡飲禮而退恐有醉飽  
之失皆所以遠嫌也  
從去聲闕韋委切與去聲徹通作撤飲於據切別  
入聲

公父文伯之母欲室文伯饗其宗老而爲賦綠衣之  
三章老請守龜卜室之族師亥聞之曰善哉男女之  
饗不及宗臣宗室之謀不過宗人謀而不犯微而昭  
矣詩所以合意歌所以詠詩也今詩以合室歌以詠  
之度於法矣

室妻也綠衣邶風其三章曰我思古人實獲我心  
以言古之賢人正其室家之道我心所善也族姓  
也男女之饗不及宗臣至於謀宗室之事則不過  
宗臣故敬姜欲室文伯而饗其宗老賦詩以成之  
也不犯不犯禮也微而昭詩以合意也  
度入聲

公父文伯卒其母戒其妾曰吾聞之好內女死之好  
外士死之今吾子天死吾惡其以好內聞也二三婦  
之辱共先祀者請無瘠色無洵涕無搯膺無憂容有

降服無加服從禮而靜是昭吾子也仲尼聞之曰女知莫如婦男知莫如夫公父氏之婦知也夫欲明其子之令德也

瘠色毀瘠之色也無聲涕出為洵涕指叩也膺胸也女處女男童也言處女之知不如婦童子之知不如丈夫也知也夫者凡婦人之情愛其子欲令妻妾思慕而已今敬姜乃反割抑欲以明德此丈夫之知故曰知也夫

公父文伯之母朝哭穆伯而莫哭文伯仲尼聞之曰季氏之婦可謂知禮矣愛而無私上下有章

莫音暮

吳伐越墮會稽獲骨焉節專車吳子使來好聘且問之仲尼曰無以吾命賓發幣於大夫及仲尼仲尼爵之既徹俎而宴客執骨而問曰敢問骨何為大仲尼曰丘聞之昔禹致羣神於會稽之山防風氏後至禹殺而戮之其骨節專車此為大矣客曰敢問誰守為神仲尼曰山川之靈足以紀綱天下者其守為神社稷之守為公侯皆屬於王者客曰防風氏何守也仲尼曰汪芒氏之君也守封禺之山者也為漆姓在虞夏商為汪芒氏於周為長翟今為大人客曰人長之

極幾何仲尼曰僬僥氏長三尺短之至也長者不過十之數之極也

專擅也骨一節其長專車也徹俎而宴獻酢礼畢徹俎而宴飲也羣神謂主山川之君為羣神之主故謂之神陳尸為戮山川之守主為山川設者也紀綱天下謂名山大川能興雲致雨以利天下也封封山隅隅山在今吳郡永安縣僬僥西南蠻之別名

墮休規切會古小切稽古今切好去聲幾上聲僬音焦僥音堯

仲尼在陳有隼集於陳侯之庭而死楛矢貫之石罫其長尺有咫陳惠公使人以隼如仲尼之館問之仲尼曰隼之來也遠矣此肅慎氏之矢也昔武王克商

周書旅葵作

通道于九夷

八蠻

孫鑛云却有陳來得奏手

通道於九夷百蠻使各以其方賄來貢使無忘職業於是肅慎氏貢楛矢石罫其長尺有咫先王欲昭其令德之致遠也以示後人使永監焉故銘其楛曰肅慎氏之貢矢以分大姬配虞胡公而封諸陳古者分同姓以珍玉展親也分異姓以遠方之職貢使無忘服也故分陳以肅慎氏之貢君若使有司求諸故府其可得也使求得之金櫝如之

隼鷩鳥今之鷩也楛木名罫鏃也八尺曰咫刻日銘括箭羽之間也展重也如之如孔子之言隼荀尹切罫音奴又音努監去聲括古活切

孫鑛云捉白字

又云兩有致

齊閭丘來盟子服景伯戒宰人曰陷而入於恭閔馬父笑景伯問之對曰笑吾子之大滿也昔正考父校商之名頌十二篇於周大師以那為首其輯之亂曰自古在昔先民有作温恭朝夕執事有恪先聖王之傳恭猶不敢專稱曰自古古曰在昔昔曰先民今吾子之戒吏人曰陷而入於恭其滿之甚也周恭王能庇昭穆之闕而為恭楚恭王能知其過而為恭今吾子之教官察曰陷而後恭道將何為

陷猶失過也如有失過寧近於恭也閔馬父魯大夫滿驕滿也正考父宋大夫孔子之先也毛詩敘

曰微子至於戴公其聞禮樂廢壞有正考父者得商頌十二篇於周之太師以那為首鄭司農云自考父至孔子又亡其七篇故餘五耳輯成也凡作篇章義既成撮其大要以為亂辭周恭王昭王之孫穆王之子也昭王南征而不反穆王欲肆其心皆有闕失恭王能庇覆之故為恭楚恭王有疾召大夫曰不穀不德覆亡楚國之師若沒請為靈若厲子囊曰可不謂恭乎大夫從之道將何為言失道尚為恭如其得道將何為乎

大音太

季康子欲以田賦使冉有訪諸仲尼仲尼不對私於冉有曰求來汝不聞乎先王制土藉田以力而砥其遠邇賦里以入而量其有無任力以夫而議其老幼於是乎有鰥寡孤疾有軍旅之出則徵之無則已其

孫鑛云精論

又云波瀾

歲收田一井出糶禾秉芻缶米不是過也先王以為足若子季孫欲其法也則有周公之藉矣若欲犯法則苟而賦又何訪焉

田賦以田出賦也賈侍中云田一井也周制十六井賦戎馬一匹牛二頭今一井之田而欲出十六井之賦也制土制其肥瘠以為差也藉田謂稅也以力謂三十者受田百畝二十者受五十畝六十還田也砥平也平遠近遠近有差也周禮近郊十

法苟苟且也康子不聽魯哀十一年春卒用田賦

齊

桓公自莒及於齊使鮑叔牙宰辭曰桓君之康曰也君加惠於臣使不康餒則是君之賜也若必治國家者則皆夷吾等

國語

魯一

二十一

去春甚且也惠于不鄰魯哀十二年春卒用田也

國語第三

錢塘盧之頤子由甫訂正

齊

桓公自莒反於齊使鮑叔爲宰辭曰臣君之庸臣也  
 君加惠於臣使不凍餒則是君之賜也若必治國家  
 者則非臣之所能也若必治國家者則管夷吾乎臣  
 之所不若夷吾者五寬惠柔民弗若也治國家不失  
 其柄弗若也忠信可結於百姓弗若也制禮義可法  
 於四方弗若也執枹鼓立於軍門使百姓加勇焉弗

陶望齡云齊語單紀桓公伯業大畧與管子同其文不類諸國語明是取諸彼者  
 孫鑣云文氣快逸錘鍛之力少誠是戰國之濫觴

若也桓公曰夫管夷吾射寡人中鉤是以濱於死鮑叔對曰夫為其君動也君若宥而反之夫猶是也桓公曰若何鮑子對曰請諸魯桓公曰施伯魯君之謀臣也夫知吾將用之必不予我矣若之何鮑子對曰使人請諸魯曰寡君有不令之臣在君之國欲以戮於羣臣故請之則予我矣桓公使請諸魯如鮑叔之言嚴公以問施伯施伯對曰此非欲戮之也欲用其政也夫管子天下之才也所在之國則必得志於天下令彼在齊則必長為魯國憂矣嚴公曰若何施伯

施伯既知管子之才將為魯國憂何不蚤令魯用之以惡齊乎

魯國憂何不

蚤令魯用之

以惡齊乎

陶堅云此管諷魯用仲

魯嚴愚不覺

耳

又云管伯勸

禮重耳否則

殺之聲子勸

復湫舉否則

賂盜使殺皆

是此意

孫鑣云章法

又云工辭

對曰殺而以其尸授之嚴公將殺管仲齊使者請曰寡君欲親以為戮若不生得以戮於羣臣猶未得請也請生之於是嚴公使束縛以予齊使齊使受而以退比至三釁三浴之桓公親逆之於郊而與之坐問焉曰昔吾先君襄公築臺以為高位田狩畢弋不聽國政卑聖侮士而唯女是崇九妃六嬪陳妾數百食必粱肉衣必文繡戎士凍餒戎車待游車之裂戎士待陳妾之餘優笑在前賢才在後是以國家不日引不月長恐宗廟之不埽除社稷之不血食敢問為此



禮云全

國語

若何管子對曰昔吾先王昭王穆王世法文武遠績以成名合羣察比校民之有道者設象以為民紀式權以相應比綴以度罇本肇末勸之以賞賜糾之以刑罰班序顛毛以為民紀統桓公曰為之若何管子對曰昔者聖王之治天下也參其國而伍其鄙定民之居成民之事陵為之終而慎用其六柄焉桓公曰成民之事若何管子對曰四民者勿使雜處雜處則其言詭其事易公曰處士農工商若何管子對曰昔聖王之處士也使就閒燕處工就官府處商就市井

又云二百四十二年大快之舉二百四十二年大快之文

處農就田野令夫士羣萃而州處閒燕則父與父疾義子與子言孝其事君者言敬其幼者言悌少而習焉其心安焉不見異物而遷焉是故其父兄之教不肅而成其子弟之學不勞而能夫是故士之子恒為士令夫工羣萃而州處審其四時辨其功苦權節其用論比協材以且莫從事施於四方以飭其子弟相語以事相示以巧相陳以功少而習焉其心安焉不見異物而遷焉是故其父兄之教不肅而成其子弟之學不勞而能夫是故工之子恒為工令夫商羣萃

國語

齊三

三

孫鑲云資蓋  
朝所需也

又云書法

模寫處甚精  
有境

而州處察其四時而監其鄉之資以知其市之賈負任儋何服牛輶馬以周四方以其所有易其所無市賤鬻貴且莫從事於此以飭其子弟相語以利相示以賴相陳以知賈少而習焉其心安焉不見異物而遷焉是故其父兄之教不肅而成其子弟之學不勞而能夫是故商之子恒爲商令夫農羣萃而州處察其四時權節其用耒耜枷芟及寒擊藁除田以待時耕及耕深耕而疾耰之以待時雨時雨既至挾其槍刈耨鎛以旦莫從事於田野脫衣就功首戴茅蒲身

衣襪襖霑體塗足暴其髮膚盡其四支之敏以從事於田野少而習焉其心安焉不見異物而遷焉是故其父兄之教不肅而成其子弟之學不勞而能夫是故農之子恒爲農野處而不暱其秀民之能爲士者必足賴也有司見而不以告其臯五有司已於事而竣桓公曰定民之居若何管子對曰制國以爲二十一鄉桓公曰善管子於是制國以爲二十一鄉工商之鄉六士鄉十五公帥五鄉焉國子帥五鄉焉高子帥五鄉焉參國起案以爲三官臣立三宰工立三族

內家云此  
便是王伯分  
破喫緊處然  
不如此不足  
以伯

市立三鄉、澤立三虞、山立三衡。桓公曰：吾欲從事於諸侯，其可乎？管子對曰：未可。國未安。桓公曰：安國若何？管子對曰：修舊法，擇其善者而業用之，遂滋民與無財而敬百姓，則國安矣。桓公曰：諾。遂修舊法，擇其善者而業用之，遂滋民與無財而敬百姓，國既安矣。桓公曰：國安矣，其可乎？管子對曰：未可。君若正卒伍，修甲兵，則大國亦將正卒伍，修甲兵，則難以速得志矣。君有攻伐之器，小國諸侯有守禦之備，則難以速得志矣。君若欲速得志於天下，諸侯則事可以隱令。

可以寄政。桓公曰：爲之若何？管子對曰：作內政而寄軍令焉。桓公曰：善。管子於是制國，五家爲軌，軌爲之長，十軌爲里，里有司，四里爲連，連爲之長，十連爲鄉，鄉有良人焉，以爲軍令，五家爲軌，故五人爲伍，軌長帥之，十軌爲里，故五十人爲小戎，里有司帥之，四里爲連，故一百人爲卒，連長帥之，十連爲鄉，故二千人爲旅，鄉良人帥之，五鄉一帥，故萬人爲一軍。五鄉之帥帥之，三軍，故有中軍之鼓，有國子之鼓，有高子之鼓，春以饗振旅，秋以獮治兵，是故卒伍整於里，軍旅

字六相字錯  
出成章

陶望齡云  
執至此不求  
奇而自奇金  
谷花開爛焉  
逐目

整於郊、內教既成、令勿使遷徙、伍之人祭祀同、福死  
喪同恤、禍災共之、人與人相疇、家與家相疇、世同居、  
少同游、故夜戰聲相聞、足以不乘晝戰、目相視、足以  
相識、其歡欣足以相死、居同樂、行同餼、死同哀、是故  
守則同固、戰則同彊、君有此士也、三萬人以方行於  
天下、以誅無道、以屏周室、天下大國之君莫之能禦  
也、

齊襄公立其政無常、鮑叔牙曰、亂將作矣、奉公子  
小白奔莒、公孫無知殺襄公而自立、管夷吾召忽  
奉公子糾奔魯、齊人殺無知、逆子糾於魯、魯嚴公  
不即遣而盟以要之、齊大夫歸逆小白於莒、嚴公

伐齊納子糾、小白自莒先入、是為桓公、宰大宰也  
濱近也、以香塗身曰釁、畢掩雉兔之網也、麥老也  
周禮正月之吉、縣治象於象、魏使萬民觀焉、扶日  
而斂之、所以為民綱紀也、挾通作淡、式用也、權平  
也使均、平相應也、比比其眾寡、綴連也、連其夫家  
也、度法也、磚等也、肇正也、謂先等其本、以正其末  
也、顛頂也、毛髮也、次列頂髮之白黑、使長幼有等  
以為治民之經紀也、參三也、國郊以內也、伍五也  
鄙郊以外也、三分國都以為三軍、五分其鄙以為  
五屬也、陵為之終、以為葬也、六柄生殺貧富貴賤  
也、唯亂貌、易變易也、萃集也、州聚也、功牢也、苦脆  
也、論擇也、比比其善惡也、協和也、和其剛柔也、監  
視也、資財也、背曰負、肩曰擔、任抱也、何揭也、服牛  
車也、軺馬車也、賴贏也、枷拂也、所以擊草者、芟大  
鎌所以芟草者、藁枯草也、檜樁也、鑄鉏也、襍穢簞  
辟衣、疇近也、秀民民之秀出者、足賴之、賴恃也、其  
罪五、其罪在五刑也、已畢也、竣伏退也、士鄉十五  
唐尚書云、士與農共十五鄉也、韋氏云、此士軍士

國語

齊三

一

也十五鄉合三萬人是為三軍農野處而不墮不在都邑之數則下所云伍鄙是也公帥五鄉是為中軍國高各帥五鄉為左右軍也參三也案界也分國事以為三也業用剗用也遂育也滋長也貧無財者振業之也事戎事也隱匿也寄托也匿軍令託於國政若有征伐隣國不知也居則為軌出則為伍所謂寄政小戎兵車也春田曰獐振整也旅眾也秋田曰獮方行橫行也餒餒同本或作餒說文但作餒無餒字袍音孚或浮射入聲中鉤之中去聲夫為之為音謂予音與令去聲齊使之使去聲彙或為熏裂方製切恐是裂字而書法小異耳長土聲麥音叟搏指充切恐是音端之治之治去聲處上聲唳末江切少去聲或莫之莫音暮相語之語去聲監平聲賈音古負任之任平聲儋丁炎切儋何之何合可切又胡佐切芟所銜切莫古老切通作橐槍七羊切縛音搏身衣之衣去聲襪本末切襪始亦切暴入聲峻七倫切又遠綠切帥所律切或作所類切非豨色鳩切

彌似演切治兵之治去聲樂音洛屏音丙

近代鄉約之法亦祖此意  
虛文從事鮮有實效非法之過也

正月之朝鄉長復事君親問焉曰於子之鄉有居士好學慈孝於父母聰慧質仁發聞於鄉里者有則以告有而不以告謂之蔽明其舉五有司已於事而竣桓公又問焉曰於子之鄉有拳勇股肱之力秀出於眾者有則以告有而不以告謂之蔽賢其舉五有司已於事而竣桓公又問焉曰於子之鄉有不慈孝於父母不長弟於鄉里驕躁淫暴不用上令者有則以告有而不以告謂之下比其舉五有司已於事而竣

國語 齊三 七

孫鑣云以錯  
孫勝

是故鄉長退而修德進賢桓公親見之遂使役官桓  
公令官長期而書伐以告且選選其官之賢者而復  
用之曰有人居我官有功休德惟慎端慤以待時使  
民以勸綏謗言足以補官之不善政桓公召而與之  
語訾相其質足以比成事誠可立而授之設之以國  
家之患而不疚退問其鄉以觀其所能而無大厲升  
以為上卿之贊謂之三選國子高子退而修鄉鄉退  
而修連連退而修里里退而修軌軌退而修伍伍退  
而修家是故匹夫有善可得而舉也匹夫有不善可

大都是同禮  
遺意而問有  
任術處

得而誅也政既成鄉不越長朝不越爵罷士無伍罷  
女無家夫是故民皆勉為善與其為善於鄉也不如  
為善於里與其為善於里也不如為善於家是故士  
莫敢言一朝之便皆有終歲之計莫敢以終歲之議  
皆有終身之功桓公曰伍鄙若何管子對曰相地而  
衰征則民不移政不旅舊則民不偷山澤各致其時  
則民不苟陸阜陵墜井田疇均則民不憾無奪民時  
則百姓富犧牲不略則牛羊遂桓公曰定民之居若  
何管子對曰制鄙三十家為邑邑有司十邑為卒卒

國語  
齊三

有卒帥十卒為鄉，鄉有鄉帥，三鄉為縣，縣有縣帥，十縣為屬，屬有大夫，五屬故立五大夫，各使治一屬焉。立五正，各使聽一屬焉。是故正之政聽屬，牧政聽縣，下政聽鄉。桓公曰：各保治爾所，無或淫怠而不聽治者。

復白也。比阿黨也。役官為官也。期，期年也。伐功也。書其所掌在官有功者也。復用之，復亦白也。待時動不違時也。緩止也。訾量也。相視也。比，成之比。輔也。疾病也。豫設國家之患，難以問之，而不罷病也。厲惡也。衰征，規土地之美惡及所生出，以差征賦之輕重也。舊君之故，舊也不以故人為師旅，則民相與不苟且也。瑾溝，上之道也。麻地曰疇，略奪也。遂，長也。此定民之居，謂制野鄙之政也。與郊內之

政異

長上聲。好去聲。告入聲。比去聲。今平聲。期居其切。或作暮。相去聲。朝不之朝。音潮。罷音疲。袁初迫切。瑾其吝切。治去聲。

正月之朝，五屬大夫復事。桓公擇是寡功者而謫之，曰：制地分民如一，何故獨寡功？敎不善，則政不治。一再則宥，三則不赦。桓公又親問焉，曰：於子之屬有居處為義好學，慈孝於父母，聰明質仁，發聞於鄉里者，有則以告，有而不以告，謂之蔽明。其臯五，有司已於事而竣。桓公又問焉，曰：於子之屬有拳勇股肱之力，秀出於眾者，有則以告，有而不以告，謂之蔽賢。其臯

孫鑛云重甚  
又云此蓋刪  
刑未盡處

五有司已於事而竣桓公又問焉曰於子之屬有不  
慈孝於父母不長弟於鄉里驕躁淫暴不用上令者  
有則以告有而不以告謂之下比其辜五有司已於  
事而竣五屬大夫於是退而修屬屬退而修縣縣退  
而修鄉鄉退而修卒卒退而修邑邑退而修家是故  
匹夫有善可得而舉也匹夫有不善可得而誅也政  
既成以守則固以征則彊

處上聲奸去聲告入聲長上聲比去聲

桓公曰吾欲從事於諸侯其可乎管子對曰未可隣

孫鑿六篇法

一本看欲從  
事於天下諸  
侯  
孫鑿云謀計

國未吾親也君若欲從事於諸侯則親隣國桓公曰  
若何管子對曰審吾疆場而反其侵地正其封疆無  
受其資而重爲之皮幣以驟聘類於諸侯以安四隣  
則四隣之國親我矣爲游士八十人奉之以車馬衣  
裘多其資幣使周游於四方以號召天下之賢士皮  
幣玩好使人鬻之四方以監其上下之所好擇其淫  
亂者而先征之桓公問曰夫軍令則寄諸內政矣齊  
國寡甲兵爲之若何管子對曰輕過而移諸甲兵桓  
公曰爲之若何管子對曰制重臯贖以犀甲一戟輕

足兵之法莫  
良乎此



孫鑛云妙致

又云三語是  
與五我子之  
可最階有致  
而意更深婉  
陶望齡云反  
其侵地而使  
為主心便帖  
服如山如海  
之可待耳注  
謂軍必依險

非三國安能  
有此險耶

又云勝音文  
一着  
孫鑛云鋪張  
揚厲可謂不  
遺餘力

又云如賦如  
騷

臯贖以贛盾一戟小臯適以金分省閒臯索訟者三雅  
禁而不可上下坐成以束矢美金以鑄劔戟試諸狗  
馬惡金以鑄鉏夷斤櫛試諸壤土甲兵大足桓公曰  
吾欲南伐何主管子對曰以魯為主反其侵地堂潛  
使海於有蔽渠弭於有渚環山於有牢桓公曰吾欲  
西伐何主管子對曰以衛為主反其侵地臺原姑與  
漆里使海於有蔽渠弭於有渚環山於有牢桓公曰  
吾欲北伐何主管子對曰以燕為主反其侵地柴夫  
吠狗使海於有蔽渠弭於有渚環山於有牢四隣大

親既反侵地正封疆地南至於陶陰西至於濟北至  
於河東至於紀鄗有革車八百乘擇天下之甚淫亂  
者而先征之即位數年東南多有淫亂者萊莒徐夷  
吳越一戰帥服三十一國遂南征伐楚濟汝踰方城  
望汶山使貢絲於周而反荊州諸侯莫不來服遂北  
伐山戎荆令支斬孤竹而南歸海濱諸侯莫不來服  
與諸侯飾牲為載以約誓於上下庶神與諸侯勩力  
同心西征攘白翟之地至於西河方舟設泝乘桴濟  
河至於石抗縣車束馬踰太行與辟耳之谿拘夏西

服。不。沙。西。吳。南。城。周。反。胙。於。絳。嶽。濱。諸。侯。莫。不。來。服。  
而。大。朝。諸。侯。於。陽。穀。兵。車。之。屬。六。乘。車。之。會。三。諸。侯。  
甲。不。解。繫。兵。不。解。翳。殲。無。弓。服。無。矢。隱。武。事。行。文。道。  
帥。諸。侯。而。朝。天。子。葵。丘。之。會。天。子。使。宰。孔。致。胙。於。桓。  
公。曰。余。一。人。之。命。有。事。於。文。武。使。孔。致。胙。且。有。後。命。  
曰。以。爾。自。卑。勞。實。謂。爾。伯。舅。無。下。拜。桓。公。召。管。子。而。  
謀。管。子。對。曰。為。君。不。君。為。臣。不。臣。亂。之。本。也。桓。公。懼。  
出。見。容。曰。天。威。不。違。顏。咫尺。小。白。余。敢。承。天。子。之。命。  
曰。爾。無。下。拜。恐。隕。越。於。下。以。為。天。子。羞。遂。下。拜。升。受。

命。賞。服。大。路。龍。旂。一本作九斿心云九旒九旒也旒成也赤。旂。諸。侯。稱。順。焉。桓。公。

憂。天。下。諸。侯。魯。有。夫。人。慶。父。之。亂。二。君。殺。死。國。絕。無。

嗣。桓。公。聞。之。使。高。子。存。之。翟。人。攻。邢。桓。公。築。夷。儀。以。

封。之。男。女。不。淫。牛。馬。選。具。翟。人。攻。衛。衛。人。出。廬。於。曹。

桓。公。城。楚。丘。以。封。之。其。畜。散。而。無。育。桓。公。與。之。繫。馬。

三。百。天。下。諸。侯。稱。仁。焉。於。是。天。下。諸。侯。知。桓。公。之。為。

已。動。也。是。故。諸。侯。歸。之。譬。若。市。人。桓。公。知。諸。侯。之。歸。

已。也。故。使。輕。其。幣。而。重。其。禮。故。天。下。諸。侯。罷。馬。以。為。

幣。縷。纂。以。為。奉。鹿。皮。四。个。諸。侯。之。使。垂。繫。而。入。相。載。

王世貞曰稱  
順科仁稱寬  
稱廣不可分  
看四者段段  
皆有只如此  
鼓舜筆端耳  
諸侯知桓公  
之為已動桓  
公知諸侯之  
歸已後又云  
桓公知諸侯  
之多與已皆  
是鼓舜筆端  
以弄奇且前  
既偏言來服  
未又述掠暴  
示權皆是張  
不伯畧深而

通茂而有禮

而歸故拘之以利結之以信示之以武故天下小國諸侯既許桓公莫之敢背就其利而信其仁畏其武桓公知天下諸侯多與已也故又大施忠焉可為動者為之動可為謀者為之謀軍譚遂而不有也諸侯稱寬焉通齊國之魚鹽於東萊使關市幾而不征以為諸侯利諸侯稱廣焉築葵茲晏負夏領釜丘以禦戎翟之地所以禁暴於諸侯也築五鹿中牟蓋與牡丘以衛諸夏之地所以示權於中國也教大成定三革隱五刀朝服以濟河而無怵惕焉文事勝矣是故

三冷語  
奇錄有

商書云尺

平字誤用

作結便奇

步

孫鑛不階收

節尾

大國慚愧小國協附唯能用管夷吾甯戚隰朋賓胥無鮑叔牙之屬而伯功立

頤視也監觀也韞盾綴革有文如績也金分贖金有分兩之差也閒罪刑罰之疑者索訟求訟者之情也三禁禁之三日使審實其辭也不可上下者辭定不可移也坐成獄訟之坐已成也十二矢為束周禮以兩造禁民訟入束矢於朝然後一之兩入訟一人入矢一人不入則曲曲則伏入兩矢乃治之矢取往而不反也夷平也所以削草平地擣斫也主主人供軍用也有蔽言可依蔽也渠弭禪海也水中可居日渚有此乃可以為主人軍必依險阻也牢牛羊豕也言雖山險皆有牢牧也刺擊也斬伐也万并也縹木曰杼小杼曰杼石抗晉地辟耳山名拘夏辟耳之谿也流沙西吳雍州之地城周城王城也反胙於絳賈侍中云反復也胙位也絳晉國都也晉獻公卒奚齊卓子死晉侯失其

國語

齊三

三

昨位桓公以諸侯討晉至高梁使隰朋帥師立公  
 于夷吾復之於絳是也嶽北嶽常山也纍所以盛  
 甲翳所以蔽兵強弓衣服矢服也遠也顏眉目  
 之間也淫見淫略也選數也繫馬良馬在閑者纂  
 織文縷纂以縷織纂不用絲取易共也奉藉也所  
 以藉王之藻也个枚也秦發也垂彘言空而來相  
 秦也軍譚遂以軍滅之不有以分諸侯也桓公之  
 奔莒也過譚譚子不禮比杏之會遂人不至故皆  
 滅之定奠隱藏也三革甲冑盾也五刀刀劍矛戟  
 矢也  
 頰通弔切好去聲監去聲贛求位切盾神允切分  
 去聲閒音間索所白切櫛朱祿切渠其居切弭芒  
 婢切餉音陶濟上聲鄰戶主切百乘之乘去聲汶  
 音文又音問制音拂支巨支切約音要淮音乎懸  
 音懸大行之行音伉碎必亦切又匹亦切不古流  
 宇朝音潮纍力追切翳於計切發吐刀切帥音率  
 畜許六切為已之為音謂罷音疲纂或作纂之使  
 之使去聲橐古刀切捆苦本切昔音佩為之為

去聲幾通作譏伯音霸



